

29052



16364



重修洛陽縣志卷之二十一

藝文之十一

詩七 五言排律

唐

開元十六年帝自擇廷臣為諸州刺史許景先號

州源光裕鄭州寇泚宋州鄭温琦邠州袁仁恭杭

州崔志廉襄州李昇期邢州鄭放定州蔣挺湖州

裴觀滄州崔誠遂州凡十一人行詔宰相諸王御

洛陽縣志

卷之二十一 五排

史以上祖道洛濱盛供具奏太常樂泉舫水嬉賜

詩令題座右且給筆紙令自賦焉 元宗皇帝

眷言思共理鑑寢想維良猗歟此推擇聲績著周行賢能

既俟進黎獻實佇康視人當如子愛人亦如傷講學試誦

論阡陌勸耕桑虛譽不可飾清知不可忌求名迹易見安


貞德自彰訟獄必以情教民貴有常恤憚且存老撫幼復

綏強勉哉各祗命知予眷萬方

送張說巡邊

同上

端拱復垂裳長懷御遠方股肱申教義戈劍靖要荒命將



綬邊服雄圖出廟堂三台入武帳八座起文昌寶

一作胃

匡周主華宗輔漢王茂先慙博物平子謝文章盡節恢時  
佐翰誠禦寇場三軍臨朔野駟馬卽戎行鼓吹威夷狄旌  
軒溢洛陽雲臺先著美今日更貽芳

贈崔融二十韻

杜審言

十年俱薄宦萬里各他方雲天斷書札風土異炎涼太息  
幽蘭紫勞歌竒樹黃日疑懷叔度夜似憶真長北使從江  
表

一作左

東歸在洛陽相逢慰疇昔相對叙存亡草深窮巷  
毀竹盡故園荒雅節君彌固衰顏余自傷人事盈虛改交

洛陽縣志

卷之二十一 五排

二

遊寵辱妨雀羅爭去翟鶴擎競

一作更

尋王思極歡娛至朋

情詎可忘琴樽橫宴席巖谷

一作沼

臥詞場連騎追佳賞城

中及路傍三川宿雨霽四月晚花芳復此開懸榻寧惟入  
後堂興酣鵠鶴舞言洽鳳皇翔高選俄遷職嚴程已飭裝  
撫躬銜道義攜手戀輝光玉振先推美金銘舊所防勿墜  
離別易行役共時康

春日鄭協律山亭陪宴餞鄭卿同用樓字

宋之問

潘園枕郊郭愛客坐相求尊酒東城外驂駢南陌頭池平

分洛水林缺見嵩邱暗竹侵山徑垂楊拂妓樓彩雲歌處  
斷暹日舞前留此地何年別蘭房空自幽

洛城觀酺應制

陳子昂

聖人信恭已天命允昭回蒼極神功被青雲祕籙開垂衣  
受金丹張樂宴瑤臺雲鳳休徵滿魚龍雜戲來崇恩踰五  
日惠澤暢三才玉帛羣臣醉徽章縟禮該方觀升中禪言  
觀拜洛迴微臣回多幸敢上萬年杯

奉和天樞成宴夷夏羣寮應制

唐新語武后長壽中  
徵天下銅鐵于定鼎

門內鑄八稜銅柱高九十尺徑一丈二尺題曰大周  
萬國述德天樞紀革命之功貶唐家之德天樞下置

洛陽縣志

卷之二十一 五排

三

鐵山鐵龍負載獅子麒麟圍繞上有雲蓋蓋上施盤  
龍以托火珠高一丈圍三尺金彩熒煌光侔日月武  
三思爲文朝士獻詩者不  
可勝紀惟嶠詩絕當時

李嶠

轍迹光西嶠勳庸紀北燕何如萬方會頌德九門前灼灼  
臨黃道迢迢入紫煙仙盤正下露高柱欲承天山類叢雲  
起珠疑大火懸聲流塵作劫業固海成田帝澤傾堯酒宸  
歌掩舜弦欣逢下生日還覩上皇年

奉和拜洛應制

同上

七萃鑾輿動千年瑞檢開文如龜負出圖似鳳銜來殷薦  
三神享明禋萬國陪周旗黃鳥集漢幄紫雲回日暮鈞陳

轉清歌上帝臺

奉和受圖溫洛應制

牛鳳及

八神扶玉輦六羽警瑤谿  
戒道伊川北通津澗水西御圖  
開洛匱刻石與天齊瑞日波中上  
仙禽霧裏低微臣矯弱  
翩拊舞接鸞鷲

前題

蘇味道

綠綺膺河檢清壇俯洛濱  
天旋俄制蹕孝享屬嚴禋  
陟配光三祖懷柔泊百神  
霧開中道日雪歛屬車塵  
預奉咸英奏長歌億萬春

洛陽縣志

卷之二十一 五排

四

始背洛城秋郊屬日奉懷臺中諸侍御

同上

薄遊忝霜署直指戒冰心  
荔浦方南紀蘅臯暫北臨  
山晴闕塞斷川暮廣城陰  
場圃通圭甸溝塍礙石林  
野童來捃拾田叟去謳吟  
蟋蟀秋風起蒹葭晚露深  
帝城猶鬱鬱征傳幾駸駸  
迴憶披書地勞歌謝所欽

奉和幸上陽宮侍宴應制

宗楚客

紫庭金鳳闕丹禁玉雞川  
似立蓬瀛上疑遊崑閩前  
鳥將歌合轉花共錦爭鮮  
湛露飛堯酒熏風入舜弦  
水光搖滢

日樹色帶晴煙，向夕迴瑤輦。佳氣滿巖泉。

奉和春日途中喜雨應詔

魏知古

皇輿自洛城時，南應天行麗。日登巖送陰雲，出野迎濯枝。  
林杏發，潤葉潛蒲生。絲入綸言喜，花依錦字明。微臣忝東  
觀，載筆佇西成。

奉和春日游龍門應制

武三思

鳳駕臨香地，龍輿上翠微。星宮含雨氣，月殿抱春輝。碧澗  
長虹下，雕梁早燕歸。雲疑浮寶蓋，石似拂天衣。露草侵堦  
長，風花遶席飛。日斜宸賞洽，清吹入重闈。

洛陽縣志

卷之二十一 五排

五

游隋故都

陸敬

洛城聊顧步，長想遂留蓮。水闕宮初毀，風變鼎將遷。臯陶  
德不建，汾隅祀忽焉。宗祏曠無象，聲朔緬誰傳。枌榆何冷  
落，禾黍鬱芊綿。悲歌盡商頌，太息憫周篇。來蘇佇聖德，濡  
足乃乘乾。正始淳風被，人勞用息肩。舞象文思澤，儼伯武  
功宣。則百昌厥後，於萬永斯年。茲辰素商節，仄管變星躔。  
平原悴秋草，喬木斂寒煙。翻黃墜疎葉，凝翠積高天。參差  
海曲，鴈寂寞。柳門蟬興悼，今如此。悲愁復在旃，傍徨不忍  
去。杖策屢迴還。

自湯還都經龍門北溪贈張左丞崔禮部崔光祿

并序

韋嗣立

僕自湯還都經龍門北溪莊宿張左丞崔禮部崔光祿並枉垂光顧數公宿敦道義雅尚林壑謂急於幽尋故此命駕遂不知別有勝賞偶然相過寒暄未周神意已往雲霞之致茂而不存逸轡放驅清塵徒企耿耿不已而贈是詩

栖閑有愚谷好事枉朝軒樹接前驅擁巖傳後騎喧  
寨簾出野院植杖候柴門旣拂林下席仍攜池上樽  
深期契幽洛陽縣志卷之二十一 五排 六  
賞實謂展歡言末眷誠未易佳遊時更敦俄看嘯儔侶各  
已共飛騫延睇盡朝日長懷通夜魂空聞岸竹動徒見浦  
花繁多愧春鶯曲相求意獨存

東都醮宴

張說

堯舜傳天下同心致太平吾君內舉聖遠合至公情錫命  
承丕業崇親享大名二天資廣運兩曜益齊明道暢昆蟲  
樂恩深朽蠹榮皇輿久西幸留鎮在東京合寰宇宮入分  
曹百戲呈樂來嫌景遽酒著訝寒輕喜氣連雲閣歡呼動  
洛城人間知幾代今日見河清

酬崔光祿冬日述懷贈答

并序

太極殿衆君子分司洛城自春涉秋日有遊討旣而韋公出守茲樂便廢頃因公讌方接詠言崔光祿述志論文首貽雅唱諸公嘉德叙事咸有報章若夫盛時榮位華景勝會此四者古難一遇而我輩比實兼之至于精言探道妙識發義戲謔而逢規戒指諷而見師表益過三友豈易得乎謂膏澤傍潤芝蘭久襲韋公近之矣以文會友以友輔仁崔公近之矣其餘尋聲響答望形影赴故亦浚碧池之漣漪增瑤林之沃若是用綴集勒成一卷永存几閣之玩無忘歡好之時焉

洛陽縣志

卷之二十一

五排

七

徐陳嘗並作枚馬亦同時各負當朝譽俱承明主私夫君邁前侶觀國騁竒姿山似鳴威鳳泉如出寶龜才雄子雲筆學廣仲舒帷紫授拂三寺朱門臨九達昔我含香日聯爾縉雲司朝攜蘭省步夕退竹林期中路一分手數載來何遲求友還相得羣英復在茲留臺少人務方駕遞尋追涉玩懷同賞露芳憶共持迎賓南澗飲載妓東城嬉春郊綠畝秀秋澗白雲滋名畫披人物良書討滯疑興來光不

惜歡徃迹如遺歲宴罷行樂層城間所思夜魂燈處厭朝  
髮鏡前衰忽枉崔駟什兼流韋孟詞曲高彌和寡主善代  
爲師齊戒觀華玉留連歎色絲終慙起予者何足與言詩  
同光祿弟冬日述懷

唐詩紀事泰之時以禮部居洛與嗣立說口知數有唱酬

崔泰之

吾族白眉良才華動洛陽觀光初入仕應宿始爲郎飛螢  
翫書籍白鳳吐文章海卿逾往雅河尹冠前張擇才綏鄴  
郢殊化被江湘高樓臨廣陌甲第敞通莊列館邨山下疏  
亭洛水傍昌年賞豐陌暇日悅林塘衣冠皆秀彥羅綺盡  
洛陽縣志

卷之二十一 五排 八

名倡隔岸聞歌度臨池見舞行門庭寒變色葵戟日生光  
窮陰方驟隸殺氣正蒼茫感時興盛作晚歲共多傷積德  
韋丞相通神張子房吟章徧簪綬逸韻合宮商功名守留  
省濫迹在文昌家園還可見臺寺近相望無庸乘侍謁有  
暇共翱翔棣華依雁序竹葉拂鸞觴水坐憐秋月山行弄  
晚芳恩華慙服冕友愛最垂堂無由報天德相顧詠時康  
奉和聖製漕橋東送新除岳牧

蘇頌

寶賢不遺俊臺閣盡鷓鷯未若調人切其如簡帝難上才  
膺出典中旨念分官特以專城貴深惟列郡安政行思務

本風靡屬勝殘有令田知急無分獄在寬至言題唐松  
澀灑仙翰詔餞三台降朝榮萬國歡舉杯臨水發張樂擁  
橋觀式佇東封會鏘鏘檢玉壇

奉和聖製登封禮畢洛城酺宴

張九齡

大君畢能事端宸樂成功運與千齡合歡將萬國同漢酺  
歌聖酒韶樂舞薰風河洛榮光遍雲煙喜氣通春華頓覺  
早天澤倍知崇草木皆沾被猶言不在躬

奉和聖製謁元元皇帝廟齋

同上

輿運昔有感建祠北山巔雲雷初締構日月今悠然紫氣  
洛陽縣志

卷之二十二 五排

九

尚蒼鬱元元如在焉追茲事追遠輪奐復增鮮洞府香林  
處齋壇清漢邊吾君乃尊祖夙駕此留連樂動人神會鐘  
成律度圓笙歌下鸞鶴芝朮萃靈仙曾是福黎庶豈唯味  
虛元賡歌徒有作微薄謝昭宣

題石窟寺

魏孝  
文置

宋 昱

梵宇開金地香龕鑿鐵圍影中羣象動空裏眾靈飛簷牖  
籠朱旭房廊挹翠微瑞蓮生佛步瑤樹挂天衣邀福功雖  
在與工代人非誰知雲朔外更覩化胡歸

宿香山寺石樓

李 頎

夜宿翠微半高樓聞暗泉漁舟帶遠火山磬發孤烟衣拂  
雲松外門清河漢邊峰巒低枕席世界接人天靄靄花出  
霧輝輝星映川東林曙鶯滿惆悵欲言旋

聖善閣送裴廸入京

同上

雲華滿高閣苔色上鈎欄藥草空塔靜梧桐返照寒清吟  
可愈疾攜手暫同歡墜葉和金磬饑鳥鳴露盤伊川惜東  
別灞水向西看舊託含香署雲霄何足難

秋夜宿龍門香山寺奉寄王方城十七丈奉國瑩上

人從弟幼成令問

李白

洛陽縣志

卷之二十二 五排

十

朝發汝海東暮棲龍門中水寒夕波急木落秋山空望極  
九霄迥賞幽萬壑通目皓沙上月心清松下風玉斗橫網  
戶銀河耿花宮興在趣方逸歡餘情未終鳳駕憶王子虎  
溪懷遠公桂枝坐蕭瑟棣華不復同流恨寄伊水盈盈焉  
可窮

冬日洛城北謁元元皇帝廟

杜甫

配極元都闕憑虛禁籞長守祧嚴具禮掌節鎮非常碧瓦  
初寒外金莖一氣旁山河扶繡戶日月近雕梁仙李盤根  
大猗蘭奕葉光世家遺舊史道德付今王畫手看前輩吳

生遠擅場森羅移地軸妙絕動宮牆五聖聯龍袞千官列  
雁行昆旒俱秀發旌旆盡飛揚翠栢深留景紅梨迴得霜  
風箏吹玉柱露井凍銀牀身退卑周室經傳拱漢皇谷神  
如不死養拙更何鄉

邙山古意

薛曜

昔掩佳城路曾驚壑易遷今接宜都里翻疑海作田鏤鼎  
名應大生金字不傳風颺吹白日羅綺拭黃泉象鳳笙留  
國成龍劔上天長樂移新壟咸陽失舊阡川流徒漫漫神  
理竟綿綿佇見飛來鶴沈嗟不學仙

洛陽縣志

卷之二十二 五排

十一

送王諫議任東都居守

錢起

車徒鳳掖東去去洛陽宮暫以青蒲隔還看紫禁同經過  
乘雨露瀟灑出鴛鴻官署名臺下雲山舊苑中暮天雙闕  
靜秋月九重一作門空且喜成周地詩人播國風

寇中送張司馬歸洛

同上

戎狄寇周日衣冠適洛年客亭新驛騎歸路舊人煙吾道  
將東矣秋風更颯然雲愁百戰地樹隔兩鄉天旅思蓬飄  
陌驚魂雁怯弦今朝一尊酒莫惜醉離筵

登元元廟

皇甫冉

古廟川原迴重門禁禦連海童紛翠蓋羽客事瓊筵御路  
分疎柳離宮出苑田興新無向背望入辨山川物外將遺  
老區中誓絕緣函闕若遠近紫氣獨依然

奉送蔣尚書兼御史大夫東都留守 耿 漳

副相威名重春卿禮樂崇錫珪仍拜下分命遂居東高旃  
翻秋日清鏡引細風蟬稀金谷樹草徧德陽宮教用儒門  
儉兵儉武庫雄誰云子載後周召獨爲公

天津曉望因寄呈分司一二省郎 寶 牟

萬乘西都去千門正位虛鑿龍橫碧落捉象出華胥望幸  
洛陽縣志

卷之二十一

五排

三

宮嬪老迎春海燕初保釐纔半仗容衛盡空廬要自詞難  
擬繇來畫不如散郎無所屬聊事穠清居

秋日洛陽官舍寄上水部家兄 同 上

洛陽歸老日此縣忽爲君白髮兒仍見丹誠帝豈聞九衢  
橫逝水二室散浮雲屈指豪家盡傷心要地分禁中周幾  
鼎源上漢諸墳貔虎今無半狐狸宿有羣威聲懣北部仁  
化樂南薰野蕞饑來食天香靜處焚壯年惟喜酒幼學便  
詞文及爾空衰暮離憂詎可聞

東都嘉量亭獻留守韓僕射

寶 牟

卜築三川上儀刑萬井中  
度材垂後儉選勝拚前功  
雲構中央起煙波四面通  
乍疑游汗漫稍似入崆峒  
厯閣高低盡山河表裏窮  
峰巒從地碧宮觀倚天紅  
靈檻如朝蜃飛橋狀晚虹  
曙霞晴錯落夕靄溼葱蘢  
庾亮樓何阨陳蕃榻更崇  
有時閑講德永日靜觀風  
玉笋飛無算金鑊奏未終  
重筵開玳瑁上客集鸚鵡  
接武空慙蹇修文敢並雄  
豈須登峴首然後奉羊公

石季倫金谷園

許堯佐

石氏遺文在淒涼見故園輕風思奏樂衰草憶行軒  
舞榭

洛陽縣志

卷之二十一

五排

三

蒼苔掩歌臺落葉繁斷雲歸舊壑流水咽新源  
曲沼殘煙斂叢篁宿鳥喧唯餘池上月猶似對金尊

送杜尹赴東都

權德輿

商於留異績河洛賀新遷朝選吳公守時推杜尹賢  
如綸披鳳詔出匣淬龍泉風雨交中土簪裾敝別筵  
清明人比玉照灼府如蓮佇報司州政徵黃似潁川

履道新居二十韻

白居易

履道坊西角官河曲北頭林園四鄰好風景一家秋  
門閉深沈樹池通淺沮溝拔青松直上鋪碧水平流  
籬菊黃金

合窓筠綠玉稠疑連紫陽洞似到白蘋洲僧至多同宿賓  
來輒少留豈無詩引興兼有酒銷憂移榻臨平岸攜茶上  
小舟果穿聞鳥啄萍破見魚遊地與塵相遠人將境共幽  
泛潭菱點鏡沈浦月生鉤厨曉煙孤起庭寒雨半收老饑  
初愛粥瘦冷早披裘洛下招新隱秦中忘舊遊辭章留鳳  
閣班籍寄龍樓病愜官曹靜閑慙俸祿優琴書中有得衣  
食外何求濟世才無取謀身智不周應須共心語萬事一  
時休

求分司東都寄牛相公十韻

同上

洛陽縣志

卷之二十一 五排

十四

忽忽心如夢星星鬢似絲縱貧長有酒雖老不拋詩儉薄  
身都慣疎頑性頗宜飯麤飧亦飽被暖起常近萬里歸何  
得三年伴是誰華亭鶴不去天竺石相隨余罷杭州得華  
亭爲天竺石同  
歸載而王尹貫將馬田家賣與池開門閑坐日避水獨行時  
癩慢交遊許衰羸相府知官寮幸無事可惜不分司  
分司初到洛中偶題六韻兼戲呈馮尹

同上

相府念多病春宮容不才官銜依口得俸料逐身來白首  
林園在紅塵車馬迴招呼新客侶掃掠舊池臺小舫宜攜

樂新荷好盃不知金谷主早晚筵開

題洛中第宅

同上

水木誰家宅門高地寬懸魚挂青甃行馬護朱欄春樹  
籠烟暖秋庭鎖月寒松膠粘琥珀筠粉撲琅玕試問池臺  
主多爲將相官終身不會到唯展宅圖看

楊柳枝二十韻

同上

楊柳枝洛下新聲也洛之小妓有善歌之者詞章  
音韻聽可動人故賦之

小妓搗桃葉新聲蹋柳枝粧成剪燭後醉起拂衫時繡履  
洛陽縣志

卷之二十一 五排

五

嬌行緩花筵笑上遲身輕委迴雪羅薄透凝脂笙引簧頻  
煖箏催柱數移樂童翻怨調才子與妍詞便想人如樹先  
將髮比絲風條搖兩帶烟葉貼雙眉口動櫻桃破鬟低翡翠  
垂枝柔腰媚娜羨嫩手蕨絃映鶴晴呼侶哀猿夜斗兒  
玉敲音歷歷珠貫字纍纍袖爲收聲點釵因赴節遺重重  
遍頭別一一拍心知塞北愁攀折江南苦別離黃透金谷  
岸綠映杏園池春惜芳華好秋憐顏色衰取來歌裏唱勝  
向笛中吹曲罷那能別情多不自持纏頭無別物一首斷

賜詩

六年寒食洛下宴遊贈馮李二少尹 同上

豐年寒食節美景洛陽城三尹皆強健七日盡晴明東郊  
蹋青草南園攀紫荆風拆海榴豔露墜木蘭英假開春未  
老宴合日屢傾珠翠混花影管絃藏水聲佳會不易得良  
辰亦難并聽吟歌暫輟看舞杯徐行米價賤如土酒味濃  
於餽此時不盡醉但恐負平生殷勤二曹長各捧一銀觥

洛城東花下作

同上

記得舊詩章花多數洛陽及逢枝似雪已是鬢成霜向後  
光陰促從前事意忙無因重年少何計駐時芳欲送愁離

洛陽縣志

卷之二十一 五排

七

面須傾酒入腸白頭無藉在醉倒亦何妨

閑遊卽事

同上

郊野遊行熟村園次第過驀山尋澗蹋水渡伊河寒食  
青青草春風瑟瑟波逢人共杯酒隨馬有笙歌勝事經非  
少芳辰過亦多還須自知分不老擬如何

春盡日天津橋醉吟偶呈李尹侍郎 同上

宿雨洗天津無泥未有塵初晴迎蚤夏落照送殘春興發  
詩隨口狂來酒寄身水邊行嵬峩橋上立逡巡疏傳心情  
老吳公政化新三川徒有至風景屬閑人

奉和裴令公新成午橋莊綠野堂卽事

同上

舊徑開桃李新池鑿鳳皇只添丞相閣不改午橋莊遠處  
塵埃少閑中日月長青山爲外屏綠野是前堂引水多隨  
勢栽松不趁行年華玩風景春事看農桑花妬謝家妓蘭  
偷荀令香遊絲飄酒席瀑布濺琴牀巢許終身穩蕭曹到  
老忙千年落公便進退處中央

罷府歸舊居

自此後重校賓客歸履道宅

同上

陋巷乘籃入朱門挂印迴腰間拋組綬纓上拂塵埃屈曲

洛陽縣志

卷之二十一 五排

七

閑池沼無茸手自開青蒼好竹樹亦是眼看栽石片擡琴  
匣松枝閣酒杯此生終老處昨日却歸來

重修香山寺畢題二十二韻以紀之 同上

闕塞龍門口祇圍鷺嶺頭曾隨戒劫壞今遇勝緣修再瑩  
新金刹重裝舊石樓病僧皆引起忙客亦淹留四望窮沙  
界孤標出瞻洲地圖鋪洛邑天柱倚崧邱兩面蒼蒼岸中  
心瑟瑟流波翻八灘雪堰蘢一潭油臺殿朝彌麗房廊夜  
更幽于花高下塔一葉徃來舟岫合雲初吐林開霧半收  
靜聞樵子語遠聽棹郎謳官散殊無事身閑甚自由吟來

攜筆視宿去抱衾調露月當窓白涼風滿簾秋烟香對藥  
竈泉冷洗茶甌南祖心應學西方社可投先宜知止足次  
要悟浮休覺路隨方樂迷塗到老愁須除愛名障莫作戀  
家囚便合窮年任何言竟日遊可憐終老地此是我菟裘

二月三日祓禊洛濱

并序

同上

開成二年三月三日河南尹李待價以人和歲穩

將禊於洛濱前一日啟留守裴令公令公明日召

太子少傅白居易太子賓客蕭籍李仍叔劉禹錫

前中書舍人鄭居中國子司業裴惲河南少尹李

洛陽縣志

卷之二十一 五排

六

道樞舍部郎中崔晉司封員外郎張可續駕部員

外郎盧言虞部員外郎苗愔和州刺史裴儔淄州

刺史裴洽檢校禮部員外郎楊魯士四門博士談

宏暮等一十五人合宴於舟中由斗亭歷魏堤抵

津橋登臨沂泂自晨及暮簪組交映歡笑間發前

水嬉而後妓樂左筆硯而右壺觴望之若仙觀者

如堵盡風光之賞極遊泛之娛美景良辰賞心樂

事盡得於今日矣若不記錄謂洛無人晉公首賦

一章鏗然玉振顧謂四座繼而和之居易舉酒抽

臺奉十二韻以獻

三月草萋萋黃鶯歇又啼柳橋晴有絮沙路潤無泥襖事  
修初半遊人到欲齊金鈿耀桃李絲管駭鳧鷖轉岸迴船  
尾臨流簇馬蹄鬧翻揚子渡蹋破魏王堤妓接謝公宴詩  
陪荀令題舟同李膺泛醴爲穆生攜水引春心蕩花牽醉  
眼迷塵街從鼓動烟樹任鴉棲舞急紅腰軟歌遲翠黛低  
夜歸何用燭新月鳳樓西

自罷河南已換七尹每一入府悵然舊遊因宿內廳

偶題西壁兼呈韋尹常侍

同上

洛陽縣志

卷之二十一

五排

十九

每日河南府依然似到家杯嘗七尹酒樹看十年花且健  
須歡喜雖衰莫嘆嗟迎門無故吏侍坐有新娃暖閣謀宵  
宴寒庭放晚衙主人留宿定一任夕陽斜

偶作寄朗之

同上

歷想爲官日無如刺史時歡娛接賓客飽暖及妻兒自到  
東都後安閑更得宜分司勝刺史致仕勝分司何況園林  
下欣然得朗之仰名同舊識爲樂卽新知有雪先相訪無  
花不作期鬪釀乾釀酒誇妙細吟詩里巷千來往都門五  
別離岐分兩回首書到一開眉葉落槐亭院冰生竹閣池

雀羅誰問訊鶴髦罷追隨身與心俱病容將力共衰老來  
多健忘唯不忘相思

近於伊川卜山居將命者畫圖而至欣然有感聊賦  
此詩兼寄上浙東元相公大夫使求青田胎化鶴

同上

弱歲弄詞翰遂叨明主恩懷章過越邸建旆守吳門西圯  
陰難駐東臯意尙存慙逾六百石愧負五千言寄世知嬰  
繳辭榮類觸藩欲追綿上隱况近予平村邑有桐鄉愛山  
餘黍谷暄旣非逃相地乃是故侯園野竹多微徑巖泉豈  
洛陽縣志

卷之二十一 五排

字

一源映池芳樹密傍澗古藤繁邛杖堪扶老黃牛已服轅  
只應將唳鶴幽谷共翩翻

目題小草亭

同上

新結一茅茨規模儉且卑土堦金壘塊山木半留皮陰合  
連藤架藜香近菊籬壁宜藜杖倚門稱荻簾垂窓裏風清  
夜簷間月好時留連嘗酒客勾引坐禪師伴宿雙棲鶴扶  
行一侍兒綠醅量醎飲紅稻約升炊醜齷豪家笑酸寒富  
室欺陶廬閑自愛顏巷陋誰知螻蟻謀深穴鷓鴣占小枝  
各隨其分足焉用有餘焉

和鄭方及第後秋歸洛下閑居同高侍郎下隔年及

第

同上

勤苦成名後優游得意間玉憐同匠琢桂恨隔年攀山靜  
豹難隱谷幽鷺暫還微吟詩引步淺酌酒開顏門迴暮臨  
水窓深秋對山雲嚮日相待莫悟許身閑

酬令狐留守尚書見贈十韻

同上

長慶清風在蕤龍凌理餘太和膏雨降用召保釐初尚少  
當官署伊瀍入禁渠曉關開玉兔夕鑰納銀魚舊眷憐移  
疾新吟念索居離聲雙白鷗疑作鶴行色一籃輦罷免無餘

洛陽縣志

卷之二十一 五排

三

俸休閑有敞廬慵於嵇叔夜渴似馬相如酒每蒙酌我詩  
嘗許起予洛中歸計定一半爲尚書

和李相公留守題潛上新橋六韻

同上

選石鋪新路安橋壓古堤似從銀漢下落傍玉川西影定  
欄杆倒標高華表齊烟開虹半見月冷鶴幾栖村缺變龍  
小功嫌元凱低從容濟世後餘力及黔黎

憶洛中所居

同上

忽憶東都宅春來事宛然雪銷行運裏水上臥房前厭綠  
裁黃竹嫌紅種白蓮醉教鶯送酒閑遣鶴看船幸是林園

主慙爲食祿，宦情薄似紙。鄉思急於弦，豈合姑蘇守。歸  
休更待年。

盧十九子蒙吟盧七員外洛川懷古六韻命余和

无 積

聞道盧明府，閑行詠洛神。浪圓疑靨笑，波鬪憶眉顛。蹀躞  
橋頭馬，空濛水上塵。草芽猶犯雪，冰岸欲消春。寓目終無  
限，通辭未有因。子蒙將此曲，吟似獨眠人。

和樂天洛城春齊梁體八韻

劉禹錫

帝城宜春入，遊人喜意長。草生季倫谷，花出莫愁坊。斷雲

洛陽縣志

卷之二十一 五排

三

發山色輕風漾，水光樓前戲。馬地樹下鬪，雞場白頭自爲  
侶。綠酒亦滿觴，潘園觀種植。謝聖闕池塘，至閑似隱逸。過  
老不悲傷，相問焉功德。銀黃遊故鄉。

白侍郎大尹自河南寄示池北新葺水齋卽事招賓

十四韻兼命同作

同上

公府有高政，新齋池上開。再吟佳句後，一似畫圖來。結構  
疎林下，竇綠曲岸隈。綠波穿戶牖，碧甃豐瓊瓌。幽巖當軒  
滿，清光繞砌迴。潭心澄晚鏡，渠口起晴雷。瑤草綠堤埭，種松  
烟上島。栽遊魚，驚撥刺。浴鷺喜，毳毳爲客烹。林笋因僧採。

石苔酒餅常不整書案任成堆簷外青雀舫坐中鸚鵡杯  
蒲根抽九節蓮萼捧重臺芳訊此時到勝遊何日陪共譏  
吳太守自占洛陽才

奉和裴令公新成綠野堂卽書

同上

藹藹鼎門外澄澄洛水灣堂皇臨綠野坐臥看青山位極  
却忘貴功成欲愛閑官名司管箭心術去機關禁苑凌晨  
出園花及露攀池塘魚拔刺竹運鳥綿蠻志在安瀟灑管  
經歷險艱高情方造適衆意望微還好客交珠履華筵舞  
玉顏無因隨賀燕翔集畫梁間

洛陽縣志

卷之二十二 五排

三

劉二十八自汝赴左馮途經洛中相見聯句

裴 度 白居易 李 紳 劉禹錫

不歸丹掖去銅竹漫云云唯喜因遇我須知未賀君 度詩

聞安石詠香見令公熏欲首函關路來披緱嶺雲 居易貂

蟬公獨步鴛鴦我同羣插羽先飛酒交鋒便戰文 紳鎮嵩

知表德定鼎爲銘勲顧鄙容商洛徵歡候汝墳 禹錫頻年

多謹浪此夕任喧紛故態猶應在行期未要聞 度遊藩榮

已久捧袂惜將分詎厭杯行疾唯愁日向曛 居易窮陰初

莽蒼離思漸氤氳殘雪午橋岸斜陽伊水濱 紳上謨尊石

掖全畧靜東軍萬頃徒稱量滄溟詎有垠

禹錫

度自到洛中與樂天為文酒之會時時構詠樂不可

支則慨然共憶夢得而夢得亦分司至止歡愜可

知因為聯句 度 居易 禹錫

成周文酒會吾友勝鄒枚唯憶劉夫子而今又到來

度

迎先倒屣亦坐便傾杯飲許伯倫右詩推公幹才

並以本  
事居易

久曾聆郢唱重喜上燕臺畫語牆陰轉宵歡斗柄廻

禹錫

新聲還共聽故態復相哈遇物皆先賞從花半未開

度  
起

時烏帽側散處玉山頽墨客喧東閣文星犯上台

居易  
詠

洛陽縣志 卷之二十一 五排 五

吟君稱首疎放我為魁憶戴何勞訪

時夢得分  
司而來

留髡不用

猜宴席上老夫暫起樂  
天密坐不動足度奉觴承麴藥落筆捧瓊瑰醉弁無

妨側詞鋒不可摧

此兩韻美合  
公也居易

水軒看翡翠石徑踐莓苔

童子能騎竹佳人解詠梅

陪遊南宅  
之境禹錫

洛中三可矣鄴下七

悠哉自向風光急不須弦管催

度樂觀魚踴躍閑愛鶴裘

回煙柳青凝黛波萍綠撥醅

居易

春偷初改火律管又飛

灰紅藥多難發碧松宜亂栽

禹錫

馬嘶馳陌上鷓鴣鳴鳳城

隈色色時堪惜些些病莫推

度

涸流尋軋軋餘刃轉恢恢

從此知心伏無因敢自媒

禹錫

室隨親客入席許舊寮陪

逸興嵇將阮交情陳與宙此二句屬夢得也居易洪爐思哲匠大厦

要羣材計日登龍路應知免曝腮禹錫

會昌春連宴卽事 居易 禹錫 王起

元年寒食日上已暮春天雞黍三家會鶯花二節連居易

光風初澹蕩美景漸暄妍簪組蘭亭上車輿曲水邊禹錫

松聲添奏樂草色助鋪筵雀舫宜閑泛螺杯任漫傳起

蔬香帶露塢柳暗藏煙麗句輕珠玉清談勝管弦居易

喧金距鬪樹動綵繩懸姪女妝梳豔遊童衣服鮮禹錫

香知種蕙池暖憶開蓮怪石雲疑觸天桃火欲然起正歡

洛陽縣志 卷之二十一 五排 五

唯恐散雖醉未思眠嘯傲人間世追隨地上倦居易燕來

雙涎涎雁去累翩翩行樂真吾事尋芳獨我先禹錫滯周

慙太史太史公留滯周南今榮黍慙古人矣入洛繼先賢此言劉白聲價與二陸爭長矣昔

恨多分手今歡謬比肩起病猶陪讌飲老更奉周旋望重

青雲客情深白首年居易徧嘗珍饌後許入畫堂前舞袖

翻紅炬歌鬢插寶蟬禹錫斷金多感激倚玉貴遷延說史

吞顏注論詩笑鄭箋起松筠寒不變膠漆冷彌堅興伴王

尋戴謂隨僕射過尚書也榮同隗在燕居易擲盧誇使氣刻燭鬪成

篇實藝皆三捷虛名媿六聯禹錫興闡猶舉白語靜毋思

元更說歸時好亭亭月正圓起

僕射來示有三春向晚四者難并之說誠哉是言輒引起題重為聯句疲兵再戰勅敵難降下筆之時

戰然自哂走呈僕射兼簡尚書

居易起 禹錫

三春今向晚四者昔難并借問低眉坐何如攜手行居易

舊遊多過隙新宴且尋盟鸚鵡林須樂麒麟閣未成起分

陰當愛惜遲景好逢迎林野熏風起樓臺穀雨晴禹錫

低山半出池廣水初平橋轉長虹曲舟回小鷁輕居易

殘 洛陽縣志 卷之二十一 五排 三

花猶布繡密竹自聞笙欲過芳菲節難忘宴慰情起月輪

行似箭時物始如傾見雁隨兄去聽鶯求友聲禹錫蕙長

書帶展菰嫩剪刀生坐密衣裳暖堂虛絲管清居易峰巒

侵碧落草木近朱明與點非沂水陪膺是洛城白為三川

撥醅爭綠醕臥酪待朱櫻幾處能留客何人喚解醒禹錫

舊儀尊右揆新命寵春卿有喜鶉頻語無機鷗不驚居易

青林思小隱白雪仰芳名訪舊殊千里登高賴九城起鄧

候司管鑰疏傳傲簪纓綸綍會同掌煙霄卽上征禹錫冊

庭嘗接武書殿忝連衡蘭室春彌馥松心晚更貞居易琴

招翠羽下鉤掣紫鱗呈只願回烏景誰能避兇觥起方知

醉兀兀應是走營營鳳閣鸞臺路從他年少爭居易更呈二公

李蘇州遺太湖石奇狀絕倫因題二十韻奉呈夢得

樂天詩書平見其取也寄李尚書夢得  
牛僧孺

胚渾何時結嵌空此日成掀蹲龍虎鬪挾怪鬼神驚帶雨  
新水靜輕敲碎玉鳴攬叉鋒刃簇縷絡釣絲縈近水拙音  
吟依松助澹清通身鱗甲隱透穴洞天明醜凸隆胡犍深  
凹刻兇釁雷風疑欲變陰黑訝將行紫泮微寒早輪困數  
片橫地祇愁墊壓驚足困支撐珍重姑蘇守相憐嬾慢情  
洛陽縣志

卷之二十二 五排 七

為探湖裏一作底物不怕浪中鯨利涉餘千里山河僅百程

池塘初展見金玉自凡輕側眩魂猶悚周觀意漸平似逢

三益友如對十年兄旺興添魔力消煩破宿醒癡人當綺

皓視秩即公卿南朝有司空石蓋以定石之流品念此園林寶還須別識

精詩仙有劉白為汝數逢迎

和令狐尚書平泉東莊近居李僕射有寄十韻

張籍

平地有清泉伊南古寺邊漲池閑遶屋出野徧澆田舊隱  
離多日新鄰得幾年探幽皆一絕選勝又雙全門靜山光

別園深竹影連斜分採藥徑直過釣魚船雞犬還應識雲  
霞頓覺鮮迫思應不遠賞愛諒難偏此處堪長往遊人早  
共傳谷當恩寄重歸臥恐無緣

夜聞洛濱吹笙

張仲素

王子千年後笙音五夜聞逶迤繞清洛斷續下仙雲泄泄  
飄難定啾啾曲未分松風助幽律波月動輕文鳳管聽何  
遠鸞聲若在羣暗空思羽蓋餘氣自氛氲

東都父老望幸

一作  
鄭穰薛存誠

鑿與秦地久羽衛洛陽空彼土雖憑固茲川乃得中龍顏

洛陽縣志

卷之二十一

五排

天

覲白日鶴髮仰清風望幸誠逾邈懷來意不窮昔因封泰  
岳今佇躡維嵩天地心無異神祇理亦同翠華翔渭北王  
檢候關東衆願其難阻明君早勒功

和河南白尹西池北新葺水齋招賞十二韻

雍陶

二室峰前水三川府右亭亂流深竹逕分遶小花汀池角  
通泉瓜堂心豁地形坐中寒瑟瑟窓下細泠泠雨夜思巫  
峽秋朝想洞庭千年孤鏡碧一片遠天青魚戲搖紅尾鷗  
閑退白翎荷傾瀉珠露沙亂動金星藤架如紗帳苔牆似

錦屏龍門人少到仙棹白多停游憶高僧伴吟招野客聽  
餘波不能惜便欲養浮萍

川守大夫劉公早歲寓居敦行里肆有題壁十韻今  
之置第乃獲舊居洛下大僚因有唱和歎詠不足

輒獻此詩

杜牧

旅館當年葺公才此日論林繁輕竹祖樹暗惜桐孫鍊藥  
藏金鼎疏泉陷石盆散科松有節深薤草無根龍臥池猶  
在鴛遷谷尙存昔爲揚子宅今是李膺門積學螢嘗聚微  
詞鳳早吞百年明素志三顧起新恩雪耀冰霜冷塵飛水  
洛陽縣志

卷之二十二 五排

完

墨昏莫教垂露迹歲晚雜苔痕

中秋日拜起居表晨渡天津橋卽事十六韻獻居守

相國崔公兼呈工部劉公

同上

碧樹康莊內清川鞏洛間壇分中岳頂城繚大河灣廣殿  
含涼靜深宮積翠閑樓齊雲漠漠橋束水潺潺過雨檉枝  
潤迎霜柿葉殷紫鱗衝晚浪白鳥背秋山月拜西歸表晨  
趨北向班鷺鴻隨半仗貔虎護重關玉帳才容足金樽暫  
解顏跡留傷墮屣恩存樂銜環南省蘭先握東堂桂早攀  
龍門君天嬌鶯谷我綿蠻分薄藉心懶哀多庾鬢班人慙

公幹臥頻送子牟還自覩宸居壯誰憂國步艱只應時與  
醉因病縱疎頑

再投李益常侍

賈島

何處初投刺當時赴尹京淹留花柳變然諾肺腸傾避暑  
蟬移樹高眠雁過城人家嵩嶽色公府洛河聲聯句逢秋  
盡嘗茶見月生新衣裁白苧思從曲江行

登聖善寺閣望龍門

成粵

高閣聊登望遙分禹鑿門刹連多寶塔樹滿給孤園香境  
超三界清流振陸渾報慈宏孝理行道得真源空淨祥煙  
洛陽縣志

卷之二十一

五排

三

霽時光受日溫願從初地起長奉下生尊

和裴令公新成綠野堂卽事

姚合

結構立嘉名軒窓四面明丘壑高莫比蕭宅僻還清池際  
龜潛戲庭前藥旋生樹深簷稍邃石峭徑難平道曠襟情  
遠神閑視聽精古今功獨出大小隱俱成曙雨新苔色秋  
風長桂聲攜詩就竹寫取酒對花傾古寺招僧飯方塘看  
鶴行人間無此貴半仗暮歸城

和裴令公遊南莊憶白二十韋七二賓客

同上

四郊初雨歇高樹滴猶殘池滿紅蓮濕雲收綠野寬花開  
半山曉竹動數村寒闕雀翻衣袂驚魚觸釣竿樽前多野  
客膝下盡郎官斷石通泉脉移松出藥欄關東分務重天  
下似公難半醉思韋白題詩染彩翰

寄題尉遲少卿郊居

同上

卿住在關東林居思不窮朝衣掛壁上廐馬放田中隅坐  
惟禪子隨行只藥童砌莎留宿露庭竹出清風濃翠生苔  
點辛香發桂叢蓮池伊水入石徑遠山通愚者心還靜高  
人跡自同無能相近任終日羨鄰翁

洛陽縣志

卷之二十一 五排

三

金谷園花發懷古

張公义

今日春風至花開石氏園未全紅艷折半與素光翻點綴  
疎林遍微明古徑繁窺臨鶯欲語寂寞李無言谷變迷鋪  
錦臺餘認樹萱川流人事共千載竟誰論

前題

侯 列

金谷千年後春花發滿園紅芳徒笑日穠豔尙迎軒雨濕  
輕光軟風播碎影翻猶疑旋錦帳堪歎罷朱紈愁態鶯吟  
澀啼容露綴繁慙問前事桃李竟無言

洛出書

叔孫元觀

清洛含溫溜元龜薦寶書波開綠字出瑞應紫宸居物著  
羣靈首文成列卦初美珍翔閣鳳慶邁躍舟魚俾媿惟何  
遠休皇復在諸東都主人意歌頌望乘輿

宋

雙桂樓

歐陽修

嘉樹叢生秀茲樓層漢傍飛甍臨萬井伏檻出垂楊卷幕  
晴雲度披襟夕籟涼山河瞻帝里風月坐胡牀愛客東阿  
宴清歡北海鷗淮南多雅詠歲晚翫幽芳

錢相中伏日池亭宴會分韻

同上

洛陽縣志

卷之二十一 五排

三

樽俎逢佳節簪纓奉宴居林光拂衣冷雲影入池虛酒色  
風前綠蓮香水上疎飛談交玉麈聽曲躍文魚粉籜春蔥  
解紅榴夏實初睢園多美物能賦謝相如

題張應之縣齋

同上

小官歎簿領夫子臥高齋五斗未能去一邱真所懷綠苔  
長秋雨黃葉堆空階縣古仍無柳池清尙有蛙琴觴開月  
幌窓戶對雲崖嵩少亦堪老行當與子偕

龍門泛舟晚向香山

同上

暫解塵中級來尋物外遊巖蘭流水曲弄桂倚山幽波影

巖前綠澗聲石上流急撥下鵲鳥至樂翫游儵梵響雲間  
出殘陽樹杪收溪窮興不盡繫榜且淹留

早赴府學釋奠

同上

羽籥興東序春秋紀上丁行祠漢丞相學禮魯諸生俎豆  
兼三代罇彝奠雨楹霧中槐市暗日出杏壇明昔齒公卿  
曾嘗聞絃誦聲何須向闕里首善本西京

留守相公禱雨九龍祠應時獲澍呈府中同寮

同上

古木鬱沉沉祠亭相袞臨雷驅山外響雲結日邊陰霖霖

洛陽縣志

卷之二十一 五排

三

來初合依微勢稍深土膏潛動脉野氣欲成霖隴上蓮雲  
色田間擊壤音明光應奏瑞黃屋正焦心帝邑三州美離  
宮萬瓦森廢溝鳴故苑紅蘼發青林南畝猶須勸餘春尙  
可尋應容後車客時作洛生吟

遊龍門香山寺

蔡襄

彩閣縈林轉蒼崖隔水開龕明千像日波起一灘雷綠淺  
春前草香餘臘後梅背人驚鷺去將雨好風來雲氣隨衣  
袂嵐光入酒杯清遊知不屢欲下更徘徊

游平泉作

文彥博

一嶮抱溪斜前朝輔相家遺基皆瓦礫古木尚烟霞風昔  
東山聖留連上殿草雖云營退隱木免逐豪夸事往如飛  
鳥林空噪暮鴉池平無舊鳳堤壞有殘沙野叟猶能說樵  
夫亦共嗟至今巖石下多少紫薇花

天津新居成謝府尹王君貺尙書

邵雍

嘉祐壬寅歲新巢始僦功仍分道德里更近帝王宮檻仰  
端門峻軒迎兩觀雄窓虛響澗臺迥璨伊嵩好景尤難  
得昌辰豈易逢無才濟天下有分樂年豐水竹腹心裏鶯  
花淵藪中老萊歡不已靖節與何窮嘯傲陪真侶經營賀  
洛陽縣志

卷之二十二 五排

詩

府公丹誠徒自寫匪報是恩隆

送范景仁游洛中

蘇軾

小人真箇事閒退豈公難道大吾何病言深聽者寒憂時  
雖蚤白任世有還丹得酒相逢樂無心所遇安去年行萬  
里蜀路走千盤投老身彌健登山意未闌西游爲櫻筍東  
道盡鴉鷺杖屨攜兒去園亭借客看折花斑竹寺弄水石  
樓灘鷺馬衰憐白鷺雷怯笑韓薛書標洞府松蓋偃天壇  
試與劉夫子重尋靖長官

伊闕龍門觀石像五十二韻石像鑿山爲之以十萬  
數大小各殊皆元魏隨唐時製 東蒙公勳

闕塞當伊水誰開選佛場坤輿基橐籥遁甲關收藏融結  
真源秀苞符瑞應長中分龍擘劃兩翼鳳翱翔偃蓋穹窿  
起蓮箕曲折張巨靈雙掌奮蜀力五丁強洛汭雞爲苑神  
都雁作堂旁羅包大壑憑藉倚崇岡跡肇雍門外燈傳少  
室旁冠峯鑿棟宇穿巘架巘廊創造從元魏增修迄盛唐  
琢磨如砥礪瑩潤比珩璜縮胸旋螺殼綿聯貼蜜房丹梯  
承畫拱碧嶂接雕梁懸度宏慈蔭憑虛監寶坊巍峩羅藻  
洛陽縣志 卷之二十一 五排 三

井巖薛帶華璫丈六金身具大千沙數量棘端施刻削芥

子納針芒宋玉形容巧吳毫肖貌良神通億萬化好種八

千彰一一妍媸辨三三前後行 五台僧數前  
三三後三三 威神標建立

童子婉清揚表裏形俱滿憂懽意總忘月容永寂滅獅吼

竟含章象教彌寰宇蜂歌應羽商時瞻紺色目長放白臺

光圓鏡恒澄澈空華任杳茫雲臺猶脫畧 漢雲臺相少  
馬援之類 烟

閣逐頤邛兵燹紛何已滄桑變不常鬱攸多酷烈逢洞幾

懷襄鬼國移 貞劫 風輪轉法王毗耶還磊砢舍利陷汪洋

隨甍披猖域狐祥出沒鄉袈裟成縷袈丹腹失輝煌剝蝕

增綴瘖陵夷走跛并粧塗虛黠染布施枉張皇女玉真娥  
孽胡僧信虎狼豈能資冥福祇足益昏狂國計傾蜚輓民  
窮動昊蒼山靈原翊衛福地本榮昌夢樹應常住還林定  
未亡古今勞鑿戒來徃尙趨踰玉節經名刹鋒車到尙方  
驅馳兼夙夜臨眺飽星霜海自浮漚見花仍優鉢芳畝依  
思印證回向愛清涼八部俄周徧三生待審詳風旛疑幻  
妄宵駕動彷徨任相非功德成陳益感傷薄遊同露電餘  
恨付嵩邱潦盡寒潭潔原高落照黃驅車出爭域蒼葡滿

林香

洛陽縣志

卷之三十一 五排

美

伊闕龍門觀石佛像和壁間東蒙公太史老師五十

二韻

紀克家

禹績推雄烈周京擅勝場嵩行儼衛侍河洛納包藏斧劈  
雙峰峻環流一派長遊龍隨曲折舞鳳任廻翔濤色銀堤  
現嵐容翠幔張天工原自巧人力漫言強巨嶺穿成壑貞  
珉穴作堂浮圖低半岫蕭寺起高岡舟渡龍宮裏車驅鳥  
道傍盤旋雲遶磴突兀栢棲廊闕歸功夏爲龕肇迹唐  
方泉澄朗鑑虛谷應鳴璜蚊曉窠居室牛形洞鑿房金人  
初夢漢寶刹盛崇梁天竺虛無國祇林幻妄坊隨山開碧

砌因蟻斷珠璣八十應難數三千未易量紫雲團蓋聚白  
氣露鋒芒妙喜傳流異俊填刻畫良三門增纍纍四大愈  
彰彰象迹臨無地雞園列若行鯨吹鉢水動鶴駕錫光揚  
色肖三衣具空隨五蘊忘雨花飛錦衲貝葉燦霞章梵唄  
風生籟空音樂引商龜毛封蘚碧兔角映皮光沙界看沉  
沒恒河望渺茫細粧如篆鏤大像似峰邛獅子形多怪狸  
奴態異常不思誰濟決周念昔懷襄報德遺神禹崇功尙  
梵王九河今泛泛五濁世洋洋黠綴魚龍窟修營魑魅鄉  
丹圖空爛熳金彩枉焜煌澤藪潛蛇蚓邱陵牧犢犇斷身  
洛陽縣志

卷之二十一 五排

毛

真誕妄鎖骨更張皇那解降魔虎惟堪臥獸狼

恣暴

屏北孽肆淫狂污穢流中禁毒殘干上蒼祇緣逢運厄豈  
是際時昌

山存魏祚亾焚修徒極枯香火費

趨蹌鑿脉推千嶺窮膏聚四方崩頽經電火剝落聽風霜  
蹟逐香山歿名仍伊闕芳唐碑多草覆魏像益荒涼懷古  
登臨遍尋幽討問詳憑高神恍惚履險意彷徨修廢時多  
變興亡代可傷岡陵成伊洛滄海易嵩邨日暮沉雲紫風  
生凋葉黃微醺歸政好滿路野花香

欵段凌晨發紆迴石磴幽苔深埋斷碣雲暗必滄洲宿雨  
嵐光薄斜陽練影浮芙蓉巖壁立襟帶一灣流迥出叢林  
地空涵法界樓亂烟迷去鳥亭月印眠鷗擊節頻呼酒催  
花數遞籌波分元渚藻星聚李膺舟古道嘶歸馬柴門度  
舊遊堪憐同臭味高誼重千秋

渡伊水詩

張美含

行行伊水濱露冷斷芳塵馬疾山迎我舡開岸別人濤聲  
歸石洞佛影落雲津千古巖峰峙九秋一雁賓懸崖垂薜  
荔狹徑轉嶙峋欲問村中酒寒砧動四隣

洛陽縣志

卷之二十一

五排

美

國朝

龍門禪寺

王鐸

冬際復遊此依稀覽衆芳平臨披細路斜照送孤陽少下  
曾棲止周旋易感傷舉頭仍舊碣息念仰雙屣絳土儂崇  
嶽青蓮衍道場春秋多歲月人鬼得清涼梵筴留虛寂禪  
關合渺茫金園開法井寶座借仁王老樹時巢鶻危溝已  
變蜃山形蹲業業河氣浩湯湯輕溜隨崑曲縣幡逗月光  
杏梁呈顯繪菊萼發微香埜趣彌瀟灑霧襟寡抑揚露華  
爲石藥麟角總蘭房空闌疑飛錫幽閒悟講堂鉦聲天柱

起寇火海門長廿載深榮繁六皆原主張仕期恬物象自  
爾篤人祥登頓消塵慮吟哦愜素藏其間無所借柏幹一  
繩床

邨山

王鏞

邨山高望處處古人墳上下幾千載東西一片雲茲邱  
方弔鬼何邨更移軍骨白春零亂月黃夜不分折碑存漢  
魏冷酒代功勳空抱滿心淚無情鳥獨聞

伊闕

沈荃

伊闕雄周宅龍門著禹功平成由帝力斧鑿豈神工夾木

洛陽縣志

卷之二十二 五排

五

開明鏡蓮霞樹紫宮密林深蔽日幽谷迥迥風萬壑清湍  
迅千巖石室空丹梯仍窈窕紺殿撒玲瓏兵燹滄桑變人  
天感慨佛場終古寂僧臘近年窮荒草羣僮鹿停雲響  
斷鴻洞虛蒼藹滴竇遠黯泉通浮舸晴波裡捫碑積蘚中  
雲山還昔日緩轡洛城東

白馬寺

陳維崧

赤伏推炎祚金刀再纘承東都求好義西竺到名僧藏訝  
青牛逝經傳白馬興五都春列刹三市夜燃燈是日皇輿  
固當時國勢憑鬣雲遮大內法雨灑觚稜綺構珠幡動苑

田紺塔層龍宮標寶樹鷺嶺渡金繩頃刻悲川竭吁嗟勸  
土崩羣雄惟郭范華省又何曾鹿任中原走狐看帝座升  
八王多格闕五姓復頻仍事去愁難歇秋來愴不勝銅駝  
蹲大道銀雁叫諸陵舊跡行人問豐碑後代增悽涼煙草  
外荒塚是摩騰

周公廟排律二首

李因篤

邑望岐陽左祠臨雒水涯乾坤愁儉樸制作待光華負展  
身彌瘁營周慮獨除向今瞻繡袞終古奠清笳束帶微風  
肅褰簾落日斜鐫碑猶大誥過客盡長嗟世降文明逮功  
洛陽縣志

卷之二十一 五排

早

高禮數加澗瀍仍召卜嵩華接王車翠竹寒鳴雨蒼松儼  
着花虎犀馴繪素葵莫薦萌芽緬想車書日恭維雅頌家  
此生衰未敢爲夢仰雲霞

鎬室西瞻久河流北顧遙深心延二代大烈統三朝變起  
風雷及恩融伏伺銷民頑翻後去譯隔更同調俎豆於茲  
秉謳歌自昔饒垂衣裳舊德露冕拭崇標砌合春陰鶯簾  
虛霽雪飄長廊圖程宅老樹革鴟鴞久憶通天谷徐經抱  
郭橋有文留陸海遺愛泣漁樵暖託空垣蔭箬闢沃野苗  
問津倚前壑明發更停鑣

甲子洛下秋成有慶是冬麥田復有積雪詩以誌瑞

凡十韻

龔松林

種稔全收後來牟早種時優饒霖作澤霏散雪當期黠玉  
堆邨郊鎔銀入洛伊飛因風捲急消待日融遲最喜平疇  
滿潛知下土滋淺芽埋屈曲嫩葉壓萎蕤可卜蝗皆滅寧  
愁雀暫饑有冬纔發育非雨亦膏脂大地探三尺明春見  
兩岐敢同梁苑賦用附楚茨詩

洛陽縣志

卷之二十一 五排

五

詩八 七言排律

唐

春日題乾元寺上方最高峰亭

白居易

危亭絕頂四無鄰見盡三千世界春但覺虛空無障礙不  
知高下幾由旬迴看官路三條線却望都城一片塵賓客  
暫遊無半日王侯不到便終身始知天造空閑境不為忙  
人富貴人

會昌二年春題池西小樓

同上

花邊春水水邊樓一坐經今四十秋望月橋傾三遍換採

洛陽縣志

卷之二十二 七排

一

蓮船破五迴修園林一半成喬木鄰里三分作白頭蘇李

宜蒙隨燭滅陳樊漂泊逐萍流

蘇庶子宏李中丞道樞及陳樊二妓十餘年皆樓中

歌酒中伴或歿或散獨予在焉

雖貧眼下無妨樂縱病心中不與愁自笑

靈光巋然在春來遊得且須遊

狂吟七言十四韻

同上

亦知世是休明世自想身非富貴身但恐人間為長物不

如林下作遺民遊依二室成三友住近雙林當四鄰性海

澄淨平少浪心田洒掃淨無塵香山開宿一千夜梓澤連

遊十六春是客相逢皆故舊無僧每見不殷勤藥停有畫

閑銷疾金盡無憂醉忘貧補綻衣裳媿妻女支持酒肉  
交親俸隨日計錢盈貫祿逐年支粟滿困治堰魚鮮供取  
足遊村果熟饋爭新詩章人與傳千首壽命天教過七旬  
點檢一生微俸事東都除我更無人

追歡偶作

同上

追歡逐樂少閑時補貼

一作帖

平生得事遲何處花開曾後

看誰家酒熟不先知石樓月下吹蘆管金谷風前舞柳枝  
十聽春啼變鶯舌三嫌老醜換蛾眉着樂天一過誰知分猶

自咨嗟兩鬢絲

蘆管柳枝已下皆十年來洛中之事

洛陽縣志

卷之二十二 七排

二

新製綾襖成感而有詠

同上

水波文襖造新成綾軟綿勻溫復輕晨興好擁向陽坐晚  
出宜披踞雪行鶴警毒疎無實事木棉花冷得虛名宴安  
往往歡侵夜卧穩昏昏睡到明百姓多寒無可救一身獨  
煖亦何情心中爲念農桑苦耳裏如聞飢凍聲爭得天裘  
長萬丈與君都蓋洛陽城

胡吉鄭劉盧張等六賢皆多年壽予亦次焉偶於弊

居合成尚齒之會七老相顧既醉且歡靜而思之此

會稀有因成七言六韻以紀之傳好事者

七人五百七十歲拖紫紵朱垂白鬚手裏無金莫嗟嘆  
中有酒且歡娛詩吟兩句一作六韻神還玉酒飲三杯氣尚粗  
崑崙狂歌教婢拍婆娑醉舞遺孫扶天年高過二疎傳人  
數多於四皓圖除却三山五天竺人間此會更應無

胡杲

閑居同會在三春大抵愚年最出羣霜鬢不嫌杯酒興白  
頭仍愛玉爐熏裏回玩柳心猶健老来看花意却勤鑿落  
滿斟判酌香囊高挂任氤氳搜神得句題紅葉望景長  
洛陽縣志 卷之二十一 七排 三  
吟對白雲今日交情何不替齊年同事聖明君

吉皎

休官罷任已閑居林苑園亭興有餘對酒最宜花藻發邀  
歡不厭柳條初低腰醉舞垂緋袖擊筑謳歌任褐裾寧用  
管絃來合雜自親松竹且清虛飛觥酒到須先酌賦咏成  
詩不住書借問商山賢四皓不知此後更何如

劉真

垂絲今日幸同筵朱紫居身是大年賞景尚知心未退吟  
詩猶覺力完全閑庭飲酒當三月在席揮毫象七賢山茗

煮時秋露碧玉杯  
斟處彩霞鮮  
階花笑如歌妓  
傍竹松聲當管絃  
雖未學窮生死  
訣人間豈不是神仙

鄭據

東洛幽閑日暮春  
邀歡多是白頭賓  
官班朱紫多相似  
年紀高低次第勻  
聯句每言松竹意  
停杯多說古今人  
更無外事來心肺  
空有清虛入思神  
醉舞兩回迎勸酒  
狂歌一曲會娛身  
今朝何事偏情重  
同作明時列任臣

盧真

三春已盡洛陽宮  
天氣初晴景象中  
千朵嫩桃迎曉日  
萬

洛陽縣志

卷之二十一 七排

四

株垂柳逐和風  
非論官位皆相似  
及至年高亦共對酒  
歌聲猶覺妙  
玩花詩思豈能窮  
先時共作三朝貴  
今日相逢七老翁  
但願醪醕常滿酌  
烟霞萬里會應同

張渾

幽亭春盡共爲歡  
印綬居身是大官  
遁跡豈勞登遠岫  
垂絲何必坐谿礚  
詩聯六韻猶應易  
酒飲三杯未覺難  
每况襟懷同宴會  
共將心事比波瀾  
風吹野柳垂羅帶  
日照庭花落綺紈  
此席不煩鋪錦帳  
斯筵堪作畫圖看

和李十二舍人裴四一舍人兩閣老酬白少傅見寄

姚合

罷草王言星歲久嵩高山色日相親蕭條兩夜吟  
連曉撩亂花時看盡春此世逍遙應獨得古來閑散有誰鄰  
林中長老呼居士天下書生仰達人酒挈數甌杯亦闕詩成  
千首語皆新綸閣竝命誠宜賀不念衰年寄上頻

宋

耆英會詩

文彥博

九老舊賢形繪事元豐今勝會昌春垂肩素髮皆時彥揮  
塵清談盡席珍樂輸不停詩思從飛觴無筭酒行頻蘭亭

洛陽縣志

卷之二十一 七 併

五

雅集誇修禊洛社英游賞序實自愧空疎陪几杖更容款  
密奉簪紳當筵尚齒尤多幸才二人中第二人

為行已

書稱五福壽為先有德人方得壽延自愧櫟梅非遠謚誰  
應齒髮亦退年立身官未三公貴推老名陪二相賢喜把  
衰容模梵字慙無織効勒燕然當時遭遇承陶冶今日光  
榮預燕筵從此洛城增勝槩又新重作畫圖傳

張問

槐庭二老樂堯仁盛集高年洛水濱華裘具瞻雖禮絕白

頭序齒却情親清閑几席同禪院山野中囊欲隱輪尊酒  
椒香纔過節池塘草色已催春白公酣暢吟哦內衛武康  
強笑語頻豈獨丹青傳不朽潛欣風俗欲還淳芝田鶴戲  
調形健蓮葉龜游納息勻商皓寂寥柯小引漢踈局蹙止  
家人莫因氣貌疑丹竈自有光陰寄大椿復得兼謨爲重  
客司馬光  
未七十恐遺元爽在編民神仙可學今方信道術相忘  
久益真滿座交歡祝眉壽群生五福託鶴鈞

王尚恭

端朝風望兩瑩星珪組參差又十人八百喬年餘總數一

洛陽縣志

卷之二十二 七排

六

千標運遇良辰席間韻語皆非俗圖上形容盡得真勝事  
主盟開府盛誤容衰薄混清塵服許便衣更野逸坐從齒  
列似天倫二公笑語增和氣夜久盤花旋發春

國朝

洛南拜關墓下恭述六韻

龔崧林

巍巍華表凌霄漢白日秋原覆綠莎精爽百年留寢殿威  
靈萬古鎮山河玉函猶禦尊王義石室徒揮擊賊戈旗幟  
飄飄愁霧結松楸黯澹暮雲多荆門樹影連長阪巫峽濤  
聲迸洛波行路醕漿紛祭奠曹吳遺塚問誰過

卷之十一

